



名家表選卷之三

永興謝表

司馬君實

荷恩至重任責尤深巡撫吏民敷宣詔令臣識慮闇淺規
爲闊疎唯知愚忠屢貢枉直奉事三世操守一心間以齒
髮衰衰疾疹交集曾靡論思之效久汗侍從之班既無補
於本朝祈自高於散地不圖睿澤更委名都雖要重之權
自知不稱而煩劇之地難以固辭受命以還措躬無所竭
來就道甫爾到官維此咸秦昔爲畿甸山川清美土地膏
腴論其平時誠爲樂土在於今日適值凶年經夏亢陽苗
青乾而不秀涉秋淫雨穗黑腐而無收廩食一空家之蓋
藏之粟強負相屬道有流離之人老弱懷溝壑之憂姦猾

蓄佳蒲之志正宜安靜不可動搖譬諸烹魚勿煩擾則免
糜爛如彼種木任生植則自然蕃滋謹當策勵疲篤彫磨
朽鈍智力所及勤瘁無辭雖復失位危身終不病民負國
庶幾小補用答大恩

潭州通判謝上表

唐子方

始竄嶺南人皆謂之必死及遷湖外恩寔出於再生仍復
前官俾關舊政仰叨成命增激微衷切念臣寒素立身孤
直無援歷官再紀才貳郎曹入朝踰年幸兼風憲臣自以
逢聖明之治當言責之司祇知忠義以事君不顧患禍之
及已凡所上奏必盡至公流輩爲臣寒心姦邪見臣切齒
臣本欲爲耳目於陛下勉副東求不能效鷹犬於他人

以希進用心雖無媿迹已甚孤屬權臣之擅朝肆已私而
害政輒輸忠款冀補涓塵陛對之間未能悉意天威之下
卒莫自明得罪一時竄身萬里流離遠道殆及暮年擯棄
遐荒分甘散秩豈謂皇帝陛下存國大體察臣愚忠欲
招諫者之言免爲後來之誡三推皇澤特與一官以登唐
之冠攘擇湖湘之守倅俾從征筦得佐郡符然臣粗識義
方薄知臣節納忠獲罪顧百謫以誠甘盡瘁報君雖九死
而不悔謹當益勤官守以助軍興夙夜以思冀免於敗事
毫分有補少答於大恩

百寮賀復熙河路表

王介甫

臣某等言伏覩脩復熙河洮泯疊宕等州幅員二千餘里

奮張天兵開斥王土旌旃所指燕及氏羗樓櫓相望誕膺
河隴中賀竊以三年鬼方之伐高宗所以濟時六月徽猷
之征宣王所以復古政由人舉道與世升伏惟 皇帝陛下
下溫恭而文睿知以武講周唐之百度拔方虎於一言我
陵我阿既飭鷹揚之旅實墉實壑遂平鳥竄之機用夏變
夷以今準古是基新命厥遷往圖臣等均被明恩具膺榮
祿接千歲之統適遭會於斯時上萬年之觴敢誓忘於事

謝賜玉帶表

王介甫

臣某言伏蒙 聖恩以收復熙河洮岷疊宕等州特加褒
諭親解玉帶賜臣者尸臣列侍方臨極辨之朝誓御占傳
獨拜非常之賜寵綬御至懇避弗俞焜耀有加凌兢無措

中謝竊以洮河之業兆自聖謨方土之材進非師錫片言
投匭遂察見其有孚衆訛盈庭豫照知其無背以至緩兵
等食蒐卒第功能非協於始謀實仰歸於獨斷如臣最爾
何力有焉伏惟 皇帝陛下善貸且成勞謙不伐弛曠瘵
之大青錄將明之小忠揚于廣除委以珎御瑟彼英瑾之
質煥乎華衮之言臨授用光顧榮踰於古昔退藏惟恐知
燕及於雲來施更厚於解衣報敢忘於結草

詔進所著文字謝表

王介甫

雲漢之光俯加首冒管蒯之賤仰誤詢求中謝臣聞百王
之道雖殊其要不過於稽古六藝之文蓋缺所傳猶足以
範民唯其測之而彌深故或習矣而不察紹明精義凡屬

昌時伏惟 皇帝陛下有舜之文明有湯之勇智以身爲
度動皆應於軌行肆筆成書言必稽於聖作欲推闡先王
之大道以新美天下之英材宜得醇儒使陪休運臣初非
秀穎衆謂迂愚徒以弱齡粗知疆學服膺前載但傳糟粕
之途追首大方豈逮室家之好過叨睿獎使緝舊聞永惟
少作可棄之浮辭豈能上副旁搜之至意伏惟 皇帝陛
下矜其聞道之晚假以歷時之淹使更討論粗如成就然
後上陳於聰覽且復取決於聖裁庶收寸長稍副時用

謝賜弟安國及第表

王介甫

馬人之求外翼草野龍光之施首逮門庭竊以躬國論聽
斷之煩而察知孤遠之行略門眷首舉之法而拔取滯淹

老不出林之所誦說而難測其卷之所藏嗟而罕見伏惟
皇帝陛下協德穹昊比明歲中博臨四方洞照萬物如臣
同產爲世畸人少遭閔凶自負寒苦雖學力行粗有特名
而少偶寡徒幾絕榮望豈期聖聽俯及幽潛遂使窮途坐
陞華寵獎以詔書而試藝賜之科第而命官祿不逮親既
求乖於養志仕非爲已當其誓於捐軀

謝除雱中允崇政殿說書表

王介甫

恩驟加於私室多所超踰事或累於公朝誠難昧冒仰煩
睿訓曲喻至懷永惟眷獎之殊實重兢慙之至中謝伏念
臣首叨召節得侍辭林隨被替書使陪經幄稍更歲月莫
補涓埃竊觀上智之日躋內訟淺聞而知困况如賤息厥

有童心尚迷鑽仰之方豈稱招延之禮恕已量主非敢以私而自嫌為官擇人顧雖成命而宜改輒布可辭之義上干難犯之威伏蒙 皇帝陛下屈體優容垂精寵答謂大人照臨之道廣當養以蒙意小夫誦說之智專遽忘其賤褒稱備厚訓飭加嚴揣實未安寄顏有惡重念自古君臣之相與未有如臣父子之所遭蓋當用儒之時尤難講藝之職典謨方御實參備於討論詰誓未終已繼叨於獎擢獲世官於閭巷嗣家學於朝廷自非忘軀何以報國知人而官以哲慨已誤於明揚委質而教之忠誓永有於素守

進脩南郊勅式表

王介甫

郊丘事重筆削才難猥以微能叨承遴選中謝蓋聞孝以

配大為大聖以饗帝為能越我百季之休明因時五代之流弊前期戒具人輒為之騷然臨祭視成事或幾乎不蓋已行之品式曾莫紀於官司故國家講燎禋之上儀臣等承撰次之明詔迨茲彌歲僅乃終篇猶因用於故常特刪除其紛冗恭惟 皇帝陛下體聖神之質志文武之功嘉與俊髦靈承穹昊物方增茂以薦信而無慙人且昭明知因陋之為耻固將制禮作樂以復周唐之舊豈終循誦習傳而守秦漢之餘則斯書也譬大輅之推輪與明堂之營窟推本知變實有考於將來隨時施宜亦不宜乎無補臣無任

謝除知制誥表

王介甫

高華之選欲報常艱固陋之身以榮為懼中謝竊以自昔
招智能之士因使為侍從之官豈特賴其虛名謂能華國
蓋將收其實用相與致君矧號令文章之為難而討論潤
色之所寄苟失職不稱則為特起羞伏惟 皇帝陛下躬
上聖之姿撫乂安之運趣時有救弊之急守器有持盈之
難當得俊良使陪遺忘則典司明命出入禁門一有深官
充為累上臣驕車賤士撲鄙常人仕初有志於養親學遂
不專於為己比更煩使稍竊謬恩內懷尸祿之慙仰負食
功之意又蒙採擢以致超逾蓋君之視臣不使同犬馬之
賤則下之報上亦欲致罔陵之崇況臣少習藝文粗知名
教遭逢一旦度越衆人唯當盡節於明時豈敢尚懷於私

無任

江寧府謝上表

王介甫

稽違詔令經涉歲時 先帝登遐既不獲奔馳道路 陛
下卽位又未嘗瞻望闕廷所憂後云之刑誅敢冀就加於
官使雖知黽勉尚懼顛隳中謝蓋聞因任以責群材原省
以通衆志厥或抱能而可用則雖負疾而見容如臣者逮
侍先朝叨官外制惓惓許國雖有愚忠沒沒隨人但尸榮
祿銜哀去位嬰疾彌年望絕寵光分投冗散伏遇 皇帝
陛下紹膺尊極俯燭幽微延之以三節之嚴付之以十城
之重比緣裡祀持有褒封申命曲加因郵併賜唯是土風
之美素無行獄之煩又寄託於丘墳粗諳知其閭里念

且遜避之不容敢不少嘗體力之所任祇奉詔條而
為治冀逃大戾仰稱殊私

謝賜對衣鞍馬表

王介甫

出大庭之顯服束於精錄引內廐之名駒傳之錯采隆恩
所建朽質知榮竊念臣弱力淺聞又憂積疹中預從官之
遷外分守將之權僅免譴訶更蒙收召論思潤色曾莫效
於微勞衣被服乘乃前叨於異數此蓋伏遇 皇帝陛下
釀於慶會詳在招延因示眷懷使知奮勵誓竭愚忠之報
冀無虛授之嫌

謝除平章事監脩國史表

王介甫

揚于大廷能以高位歸之則或之宰制之平聖心
方直於旁求小已則難於上構中謝臣聞人君代天而理
物人臣資父以事君然而君臣之大義有方非若父子之
至恩無間須倡而得和則誠意每患於難通不入而後量
則忠力或嫌於自獻唯成湯之聽伊尹與傳說之遇高宗
皆以疏遠而相求何其親厚之獨至蓋所趣非田於二道
故所為若出於一身夫豈干越夷貉之異心是謂元首股
肱之同體群臣既以此獲展事君之義兩君亦以此得成
理物之功苟非其人孰與於此臣受材單寡逢運休明初
涉獵於藝文稍拔綠於祿仕曩塵近侍積媿空餐悲遠隔
於庭闈分長依於丘隴俄值纂承之慶繼叨收召之榮責

以論經尚少。知於訓詁。使之與政。曾莫助於猷。爲矧以拙。直而見知。遂爲姦回之所忌。伏遇 皇帝陛下。納之以天地之量。昭之以日月之明。數加獎勵之恩。每辯讒誣之巧。重遭上相申勅。備官終遜。避之無繇。更兢慙於非據。伏惟 皇帝陛下。樂古訓之獲。而忘其勢。惡邪辭之害。而斷以心。勿貳於任賢。務本以除惡。使萬邦有共。惟帝臣之志。萬姓有一哉。王心之言。則進無求名之私。退有補過之善。臣之願也。天實臨之。

謝除左僕射表

王介甫

貳令中。臺兼官左省。惟時遴選。蓋嘗久曠。而弗除。忽此叨居。顧豈微勞之可稱。陪敦厥邑。敷告于廷。是皆至榮。難

虛。中。以經術造士。實始盛王之時。僞說誣民。是爲衰世之俗。蓋士無躬教立道之明。辟則下有私學亂治之姦。氓然孔氏以羈臣而興。未喪之文。孟子以游士而承沒之聖。異端雖作。精義尚存。逮更煨燼之災。遂失源流之正。章句之文。勝質傳注之博。溺心此淫辭。設行之所由昌。而妙道至言之所爲隱。篤生上主。純佑下民。成能恊乎人謀。將聖出乎天縱。作於心而害事。放斥幾殫。通於道以治官。延登既衆。尚懼膠庠之黎。獻未昭典籍之群疑。乃集師儒。且論科指。繕書來上。褒典俯加。臣趣操弗高。知識充淺。少嘗勤苦。但爲襄氏之吟。晚更老萊。豈免輪人之議。初備使令之乏。即知稱愜之難。敢意誤恩。獨當殊獎。此蓋伏遇

陛下以化民成俗為事故急在誨人以尊德樂道為懷故
易於摩爵因忘固陋特假龍光祇服訓辭深惟報禮雖無
博學對揚稽古之鴻名庶以雅言助廣右文之美化

謝朱炎傳聖旨令視事表

王介甫

使指遠臻訓詞俯逮敢圖衰疾尚吳眷存伏念臣曲荷搜
揚久孤付屬有能必獻未嘗擇事而辭難無力可陳乃始
籲天而求佚然方焦思有為之日以此懷恩未報之身苟
營燕安豈免慙悖伏蒙 陛下人惟求舊義不忘遐乃因
求軫賦命之臣更喻推轂授方之意踣履無用誠弗忍於
棄捐朽株匪材尚奚勝於器使未惟獎勵徒誓糜捐

賀生皇子表

王介甫

宮闈廟慶寰海又欣凡逮戴天惟均擊壤中賀臣聞龜斯
之言衆于是為王者之時華封之祝多男亦曰聖人之事
恭惟 皇帝陛下紹祖休顯憲天聰明致文武之憂勤成
堯舜之仁孝宅師無競堯簞之寢既安傳類有祥弓鞬之
祠屢應詒謀方永錫羨用光臣託備藩維叨承睿獎不顯
亦世家實預於榮懷於萬斯年心敢忘於慶賴

又

王介甫

嘉慶後傳歡欣總集中賀臣歷觀古昔誕受福祥厥配天
所以久長乃有子至於千億伏惟 皇帝陛下鳧鷖之雅
媚於神祇芟苒之風燕及黎庶弓鞬嗣燕禱之報旄旗仍
熊羆之祥無疆惟休永保桑苞之固有室大競方觀椒實

之繁。臣嘗汗近司。尸榮祿特荷殊憐之。至豈勝竊喜之深。

又

王介甫

皇運邇隆。天枝彌茂。照臨所暨。鼓舞攸均。臣聞史紀文慶之。延。豈惟十子詩歌妙。徽之繼爰。至百男肇敏於脩。乃繁厥祉。恭惟皇帝陛下。道貫區宇。德冠往初。品庶蒙休。既饗和平之樂。神靈錫羨。果膺蕃衍之祥。臣嘗汗近司。備叨殊獎。以宿痾而自困。欲旅進以無階。

又

王介甫

燕。棋饗德。方儲錫羨之祥。熊羆生賢。克協會昌之運。與在照臨之廣。敷同慶賴之深。竊以思齊神降。時侑假樂。民之

攸暨。天所保佑。厥惟太妙之多男。國之榮懷。亦曰成王之衆子。恭惟皇帝陛下。令德光乎。洽誦康功。茂乎岐昌。鴻休無疆。景命有僕。蓋芣苢之薄言。采采衆皆。先成則螽斯之宜爾。振振宗強。孰禦臣久叨眷遇。適阻進趨。親值本支。百世之盛時。敢忘壽考萬年之善祝。

賀周德妃及魏國大長公主禮成表 王介甫

明告治庭。寵頒恩冊。家邦之慶。海宇以欣。中賀恭惟皇帝陛下。荷天闕休若。古丕式自。禰率而尊祖。備極靈承。謂姊親而先姑。特加徽數。改錫厥壤。增褒所生。大號已孚。庶言惟允。臣久尸榮祿。竊覩盛儀。臚傳雖異於九賓。率舞尚同於百獸。

賀南郊禮畢肆赦表

王介甫

精意上昭神靈底豫茂恩旁暢夷夏接和中賀臣聞道以
饗帝為難禮以配天為至有秩斯祐唯四表之歡心胡臭
實時匪九州之美味自古在昔若聖與仁厥遭昌辰乃覩
熙事恭惟 皇帝陛下邁種三德敷奏九功率籲奉璋之
衆髦肇稱奠璧之新禮廟邊致孝郊血告幽誠既格於穹
旻福遂均於品庶振憂矜寡原有青莪第五玉以褒封善
人是富發三錢而慶賜賤者不虛天其居歆人以呼舞臣
夙叨寵獎親值休成雖無與於駿奔實不勝於竊抃

賀冬表

王介甫

庶彙潛萌上儀亞感室告氣行之協臺占瑞至之嘉恭惟

皇帝陛下考敦復以大中籲朋來之衆俊剛健之德與陽
貴亨壽昌之期如日方永臣叨榮近列嬰疾殊方鳧趨獨
後於在庭鵲躍實深於存嗣

又

王介甫

氣復黃宮茂對物滋之始於移北陸寅賓日至之長中賀
恭惟 皇帝陛下道與時行化猶天運嗣無疆而履位建
有極以宜民甫臨陽長之期大襲福綬之慶臣恩容居里
病阻造庭雖薦壽以無階願馳心而曷已

又

王介甫

陽氣復萬寶萌生天效五雲之祥律應三統之首茲為
大慶允屬熙朝 恭惟 皇帝陛下道泰義軒德深堯

禹文物敷明之昭爛神祇祖考之安寧適丁至治之期好
及履長之序萬靈隕祉四海交歡而臣身處江湖地遙宸
極瞻天日之表阻獻於壽觴望雲龍之庭徒傾於驢頌

賀正表

王介甫

漢儀高會方登四海之圖周曆俯頒乃憲百官之象中賀
恭惟 皇帝陛下合德淵懿撫辰休嘉乘姑射之雲龍所
更者化存胥教於蓬艾各遂其生運與日升道侔乾始臣
尚依粉社獨隔楓宸緬瞻朝者之班竊慕封人之祝

又

王介甫

寶曆無疆嘉生有俶門憲始和之象庭文元會之儀中賀
伏惟 皇帝陛下膺保永圖綬將純取撫五辰而致順毓

萬物以皆曰臣又負異恩尚嬰衰疾瞻 雲煥爛欣逢舜日
之垂鑿壤消搖樂得夏時之正

又

王介甫

馭正夏時更端周曆體一元而敷惠與春浮歛諸福以
代新方侔川至中謝恭惟 皇帝陛下誕昭明德祇燕孫
謀齊七政以當天順五辰而凝績用永協氣以阜嘉生閱
千古之上儀肆三朝之盛會仰同星拱竦百辟以在庭追
效嵩呼極萬年而薦壽臣系榆晚景慶康並遊進莫與於
臚傳退但知於率舞

謝詔免明堂陪位表

王介甫

蟻蟻倦倦上干旒衣雲天顛顛下賁立園中謝臣憊矣微

生頽然暮齒。冒恩鼎食。非堅卧以爲高。承命旌招。宜駿奔而反。後顧緣衰。厥致隔清光。伏蒙 皇帝陛下。特赦尤違。曲垂念聽。鄙昏難望。尚延舜日之華。荒翳易遺。更獲堯雲之潤。

謝加南郊恩表

王介甫

解澤旁流。明綸俯被。永惟叨昧。深以兢榮。竊以時郊丘之承。所以尊上帝。疇官邑之賜。所以富善人。盛福靡專。至恩惟稱。臣父座要近。上累昭明。方玉輅之親祠。以銅符而外守。遽均休慶。例獲褒嘉。此蓋伏遇 皇帝陛下。以平施於萬方。無遐遺之一物。矧蒙圖任之舊。特荷獎知之深。祗服訓辭。敢忘報禮。

謝賜生日禮物表

王介甫

慰藉溢言。匪頒異數。荷恩勤之及此。思報稱以茫然。中謝伏念。臣謬簡神心。叨陪大政。以父孤之樸學。當難遇之盛時。雖罄萬忠。何裨聖治。門弧可想。方未念於劬勞。臺餽有加。更上煩於寵獎。此蓋伏遇 皇帝陛下。施仁品物。致禮臣鄰。將備責於安危。故俯同於憂樂。所願輸勞而後食。敢知得賜之爲榮。矧生已之至恩。已云不報。獨事君之大義。庶或無慙。

王介甫

微勞不效。僅述三典之科。厚禮有加。尚躡九儀之等。中謝臣外叨寄。屬仰誤眷。憐已。隨考美之。基重負。每慈之教。道

幼勞於晚節方不自勝惟善庶之舊恩終無以稱伏蒙
皇帝陛下更馳層使曲喻至懷馳駿靈球琛奇組纒豈下
流之敢及皆前此之所無金瓦淑拊多錫誠榮於既往鉉
刀駑馬強扶難冀於將來雖天地弗責其謝生顧臣子敢
忘於致死

謝甘師頌傳宣撫問拜賜藥表

王介甫

層使寵辭載華原賜寶奩琛劑加賁丘園臣中謝伏念臣
少出斯第晚陪唯德轉寄重才淺知深但念里居長負
丘山之責敢期宸眷尚留眷履之矜此蓋伏遇 皇帝陛
下天憐無疆海函不棄戴難忘之盛德豈特銘肌撫易盡
之餘生唯當結草

謝賜衣服銀給等物表

王介甫

慰慈流石上幸寵眷匪匹願其德符慈憐臣晚以薄材嘗
陪與進聖原之簪未敢忘每辱矜收橋山之劍初遺獨悲淪
沮伏蒙 皇帝陛下勤追考冀厚勉臣中遽被寵光申加
兼庶幾負薪之末力難效驅馳顧結草之殘魂猶知報稱

謝中使宣醫表

王介甫

乘衰搜厲敢意浼聞軫舊垂矜曲加寵數即馳近御兼飭
太醫錫以寶奩實之琛劑創殘再肉顛眴更蘇皆被慈憐
不勝負荷臣叨恩缺報昧祿取災果崇降以疾殃至上煩
於愍惻此蓋伏遇 皇帝陛下履簪念厚軒幄眷深天弗
顛而亦臨雲雨瞻而既雨哀逾察父感劇孤臣論可報之

涓埃難知稱効顧未填之溝壑徒誓糜捐撫涕沈瀾捫心
躑躅

謝賜曆日表

王介甫

臣伏以清臺課曆肇明一歲之宜列郡仰成欽布四時之
事闕文切朴拜賜爲榮恭惟 皇帝陛下躬包曆數政順
璣衡齊日月之照臨體乾坤之闔闢考觀新度遠存堯象
之明推步大端猶得夏時之正盡俯仰察觀之理槩裁成
輔相之宜歲事備存詔文偕下先天誕告間無杪忽之差
率土逢占驗若節符之合臣敢不恭承 旨順考時行贊
聖神化育之功極天人和同之効奉而行政期不戾於
陽世以治人庶克躋於富壽

乞宮觀表

王介甫

疏榮特異敢忘圖報之忠陳力弗能當布可辭之義中謝
伏念臣晚陪典運久汗近司體愚弗逮於清光衰疾更成
於瘵曠苟免大訶之責乃叨異數之加授以戎旃班之宰
席松楸舊國實使鎮臨蒲柳殘年足爲榮耀顧在宣化承
流之地方當循名責實之時疲曳難支顛隳可畏仰祈睿
眷俯徇愚衷并解將相之官外除宮觀之任託依田里瞻
守丘墳僅憑休養之私終獲夷瘳之福敢忘策勵復誓糜
捐臣無任

又

王介甫

筋骸衰薈僅有餘生肝膈精微簡在聖聽豈圖寵獎未賜

矜從輒冒威尊更輸情素中謝伏念臣久妨機要初之消
埃苟免庶尤實荷恩私之至敢緣多疾更尸名器之崇比
辱使軺係宣詔旨深惟策勵仰稱龍光而况病瘵有加瘵
治無損辭榮家食乃為理分之宜干澤自營尚恃眷憐之
舊伏惟 皇帝陛下 衡聽萬事器使衆材念其黽勉之終
難假以便安而少愒庶完體力圖報毫分

謝手詔令視事表

王介甫

請議升聞已賴舜聰之豁達懇誠上訴更煩周諮之丁寧
竊以作威者主之權待察者臣之禮蓋雖蒙非常之厚遇
亦將避可畏之煩言臣志尚非高才能無異舊惟所學之
迂闊難以趨時因欲自屏於會元閑庶幾求志惟聖人之時

不可失而君子之義必有行故當 陛下即政之初輒
昔賢際可之任越從鄉郡歸且禁林或因勸講而賜留或
以論思而請對愚忠偶合即知素願之獲申春聖日躋更
懼淺聞之難副重叨殊獎忝秉洪鈞所宜引分以固辭乃
敢冒恩而輕就實恃明主知臣之有素故以孤身許國而
無疑人習玩於久安吏循緣於積弊竅言不忌諛行無慙
論善俗之方始欲徐徐而變革思愛日之義又將汲汲於
施為以物役已則神志有交戰之勞以道徇人則事功無
必成之望恐上辜於眷屬誠竊幸於退藏猶貪仰附於未
光亦冀相成於薄効比聞獨斷謂合僉言但輸承命之忠
遂觸招權之毀因請避衆賢之路庶以厭異議之人伏蒙

皇帝陛下敦大兼容清明旁燭賜之神翰諭以至懷君臣之時嘗千載而難值天地之造豈一身之可酬敢不自忘形迹之嫌庶協神明之運

賀景靈宮奉安 列聖御容表

王介甫

新代之上儀極二端之美報經始有俶實自睿謀歡成無疆乃惟衆志臣中謝竊以闕官鬼享周特腆於姜嫄原廟神游漢獨隆於高帝遠或遺祖近止及親恭惟 皇帝陛下服卑而卽功食非以致孝嚴 祖宗之衆像依仙釋而異宮館御因時初豈忘於若簡脩除備物乃有待於純熙宸宇秘嚴扁榜崇嚴裸獻式序安侑維時藐然往初孰此倫擬臣久尸榮祿尚負宿疴聞釐事之旣成與群情而

借樂

廣德軍謝表

錢君倚

曠官罪大奪位秩者彌年享帝恩隆回雷霆於數日籍還省部身忝軍牙祇荷寵靈伏深感懼伏念臣江湖賤士岩穴孤生出逢聖辰外備法從學非深造粗能明政治之方心不苟容故欲整事君之節義當有在雖富貴誘之而不回職所宜言雖斧鉞威之而益厲果由官守遂正典刑放之窮山所以苦其心志授之散秩將以餓其體膚期沒齒於蒿萊敢希榮於軒冕豈圖寬宥尚被采收死灰於是乎復然白骨於馬而再肉便鄉守壘上冢還家百計安閑一身遠使其自請未必能然此蓋伏遇 皇帝陛下化極

文明息漸動植如天之覆遠則彌周如日之中幽無不燭
遂容鷲質猥玷鴻私況是桐川獨居江左俗雖僻陋而稱
風物之良地雖偏迫而有山林之勝養茲不肖孰曰匪宜
惟俯省所以飭躬惟忠勤所以報國有民有社固恪奉於
訓詞焉予爲臣方益堅於素節誓殫犬馬仰答龍光

賀平河外三州表

代范忠宣

畢仲游

伏以平戎韜畧靡用干戈陷虜衣冠自還里閭豈特大羊
之效順行知鋒鏑之可消患弭一隅治形四海伏以善戰
之至初無勇功神武之行亦云不殺矧羗夷之叛服如禽
獸之去來始非得已而用兵於則附懷之有道巢穴可窮
而不問邊陲安堵而自如情狀益殫欵誠屢至遂同革面

相與向風既內懾於威靈遂盡歸其俘獲殆非力致純以
德來矧是生還率當死節度湟伐木不煩充國之謀謁廟
賜田如見子卿之返伏遇 皇帝陛下上仁兼覆盛德維
新小二漢之邊功盡三王之能事眷惟士伍偶被毅明鞅
譯在途既奉君臣之義衣裳改衽復從父母之邦邊候告
寧人情底豫豈冀七旬之格是爲千載之逢臣頃預政機
親聞眷弄比分憂寄獲覩成功再拜奉觴雖阻漢庭之列
大書作策永爲宋史之光感頌之私倍萬常品

謝南郊加恩表

王禹玉

奉二精之報方錯事於崇丘獵三靈之流遂均釐於邇輔
仰承嘉命俯惕孤衷伏念臣蚤會昌期進聞國論器雖狹

於所用志常勇於有爲屬脩郊廟之祠叨與公卿之議鳴
鍾在獲際靈游之娛紵佩掃塗親承天步之恪曾之秉
文之助得觀縱聖之能逮敷錫於鴻休復過膺於寵數論
非朝允恩實天隆茲蓋伏遇 皇帝陛下文輯闕希仁漸
疏逖因神推惠既被蟲魚之豐爲已掠功何勝淵谷之畏
尚勉殫於樸守期少謝於曲成

請 皇帝罷謁太廟表

王禹玉

伏以升燎于壇卽節徂郊之禮奉璋于室宜財假廟之文
俞音未回群聽猶鬱恭惟 尊號皇帝陛下膺純耀之烈
撫休明之期蓋神勞萬務則氣或整和以德交三靈則福
亦旋感念保綏於鴻業思昭謝于高穹迺涓路寢之居以

象圓丘之饗粢盛芳潔璧玉華光方將涉配三后之靈道
迎上帝之貺茲誠爲人子者孝之盡有天下者報之隆今
復馳齊蹕之嚴祗大室之薦切恐霧露之氣涉于宵衣輿
馬之音震虜天步則非所以承 祖宗之受來邦家之休
臣等冒秉化鈞獲司熙典謂文之所損在于適時之變且
事不敢勉誠以愛君之深真不並侑之虔願弭先期之謁
儻乎衆欲是契天心

謝賜生日禮物生餽表

王禹玉

詔函俯暨臺饋申頒絕銜弼之異恩動里閭之殊觀伏念
臣所懷寒淺自奮羈單方少而孤每感劬勞之日其生也
幸得遭熙盛之朝遂以區區投老之身而處赫赫具瞻之

地與圖邦政固無經遠之謀式燕私門更誤養賢之禮此
蓋伏遇 皇帝陛下寵綏近辟不冒庶工謂君臣同體則
憂樂宜均而上下相求則報施為重幣增實寵已厚於
解衣餼粟盈庭愧有加於浮食敢不內竭朴愚之守上酬
獎顧之深

謝賜生日禮物表

王禹玉

聖言如綍有溫厚於芝函邦錫自天發光華於靜室榮踰
素璽媿溢常涯伏念臣以固陋之資被睿神之眷廼預塵
於政路復冠列於台司歲月崢嶸而屢更精力勤勞而莫
補速譏譏於衆口愧功烈於前人逮茲苟完安有橫冀載
及桑蓬之序方深岵岵之思念莫報於劬勞敢獲承於恩

禮良金燭乘嚴寶勣於天駒深帛綺文雜華章於笥服豈
繫蕃庶併及衰遲此蓋伏遇 皇帝陛下敦舜孝以儀民
軫堯仁而冒物特厚柄臣之遇過頒御府之珍交孚曲記
於賤生博愛乃容於濫賜拜 漢庭之寵雖慙稽古之工報
周雅之章願上如岡之壽

越州謝上表

元絳

易帥嶠南方深危懼分符 所右特荷保全仰服恩章惟知
感涕伏念臣習知忠誼竊慕功名歷事三朝行將四紀向
自北垂之漕就更南粵之麾蒙臨遣以丁寧敢違安而留
滯載驅長陸甫及半途忽聞羽檄之音謂有龍編之警橫
水明光之甲得自虛聲雲中赤白之囊倡為危事邊萌擾

動朝聽震驚況在乎守臣敢愆奔命風驅南海已久見於
吏民日遠長安蓋未聞於章奏仰煩宵旰及臣鄰謂護
塞之急人且擇才而代戎驅車萬里虛出玉關之門乘駟
一麾幸至會稽之邱尚兼方面彌畏人言此蓋伏遇 陛
下法道曲全等天丕冒以臣更事絲久備歷四方之勤知
臣立朝最孤迥無一介之助渙然休命付畀价藩臣敢不
訓旅以嚴安民以靜庶希樂易之治仰補熙隆之時銜賜
不貲論生爲補

謝致仕表

元絳

四載披誠漸還於朝組九重垂聽申錫於詔函預儲官之
備官遂家林之佚老伏念臣衣纓衰緒樗櫟下材再亂而

孤僅能稱思未冠而仕始務代耕情儒術之逢原徂吏民
之宿業歷官三世服勞四方蒙 聖之誤知自東州而即
召擢賞詞禁進處冬官浸膺選衆之求竊貳贊元之任近
藩出守遇潛邸之建旌別殿追還復露門之奉席遽周歲
律屢對威顏自惟瘠朽之餘每循止足之戒深辭圭紋冀
就田廬載齒孤鳴空懷疲戀槁骸如在正欲全歸仰煩睿
訓之慈終竊愚衷之守不圖寵眷加進榮階存東官保養
之官仍西清嚴近之職效華封之祝子佇見多男階商皓
之通賓願護太子恩隆山嶽感浹肺肝此蓋伏遇 皇帝
陛下大道曲全至仁博施念師舟之垂老久已宣勤察衛
綰之無他居常遠耻越推渥渙獲保初終詫里俗而有輝

顧師言而至愧冥鴻雖遠正依天寓之函容時養未彫尚
素日華之明潤逢辰知幸之死不忘

定州謝上表

呂晦叔

尸榮右府無禪廟筭之奇假守中山復當闡制之重戴恩
為懼虔命以行適屆郡封恪宣條詔伏念臣降才謝薄植
性懦愚學術不足以稽五謀之疑識慮不足以籌千里之
勝特以百年舊族荷累聖未貲之恩一介微軀辱主上非
常之遇黃綠寵渥更踐青華晚收疎外之孤蹤擢贊微幾
之要務奉天光而咫尺聖誨之丁寧謂臣世服近寮有
均休共戚之義察臣傍無厚援絕背公死黨之嫌曲示優
容俾思報效顧駑鈔之難強差蒲柳之易衰災預防司積

有妨賢之畏洵析摩寄更圖陳力之方伏遇 陛下體虛
靜以儲神極高明而盡下附矜素悃特霽俞音惟定武之
與區據朔陲之重地尚叨付委靡即棄捐仍進叙於文階
且兼華於秘殿併將厚意增賁舊臣夙侍軒墀寔司樞要
統治軍經武之要洎守塞禦戎之宜日夕睿謀備觀宸斷
逮茲臨遣得以遵承謹當細大必躬夙宵彌勵進不敢希
功而生事退不敢弛備以曠官期不玷於誤知庶少酬於
鴻施

漳州進珠表

王冕

宋大中祥符六年春冕自廬陵移典是郡越明年三月龍
溪屬邑民丘顛於九龍溪網魚得珠一顆一圍闊三寸七

分中有小珠七顆如七曜次如七曜者不可勝數縣弗敢
留條珠之始於郡最熟而視之殊大歡抃即日召厥屬官
以驗之復相稱慶曰夫珠至寶也王者德至淵泉則出今
天子仁且聖方以寬慈被天下宜乎珠之出獎聖世又珠
之爲物也其色瑩淨明清乃化民之象也於是列表以進
尋奉勅書以旌至寶是既叨爲政能獲斯寶又懼是事泯
絕於後刊之貞石于公廳之左用傳于永永耳

臣聞皇猷允塞天乃效祥聖德升聞地不藏寶前珠得非
蛇口產異蚌胎有感必通生自煙潭之內無脛而至忽居
寶肆之中熒煌外散於月華皎潔內含於星彩此蓋伏遇
皇帝陛下齊莊奉道清淨化民體乾極以握符致坤靈而
薦瑞遐稽信史迥殊照乘之光洞究祥經弗類媚川之色
臣握蘭郎署剖竹侯封幸逢江海之珠難藏外郡願繼梯
航之貢干贖內庭

河陽謝上表

馮京

父塵右地無補聖明坐竊彌藩尚寬罪戾恩私溢望况灼
兼懷伏念臣才不逮中智非經遠特逢盛際再列近司摧
之於尋常之中振之於顛危之下便蕃異數究極寵光齷
齷備員僅能寡過碌碌成事無足論功徒有許國之誠靡
講衛生之術曩嬰疾疹始至膏肓雖賴上醫迄有餘補然
而氣血潛耗智慮草衰筋力乏於步趨耳目乖於聽覽勉
從職事仍歷歲時履鍊之譏已騰衆口乞麾之請遽側上

心矧惟右輔名都三城重鎮水陸皆便次舍非遙食物具
宜堂皇允峻使傳罕經於館候訟牒希至於庭除加以時
雨既優宿麥滋茂盜賊屏息閭里阜安不煩施為有便順
養此蓋伏遇 皇帝陛下天地容覆日月照臨私臣以不
報之恩諒臣有可矜之理終始眷遇進退保全顧何心顏
敢愛軀命惟願稍加藥餌益近方書朝露未晞儻復還於
舊觀爝火不息誓更竭於精神

名家表選卷之二

